



Անկախության և ինքնիշխանության վերահաստատու՝ մն է հայ հասարակության գերխնդիրը

ՀՀ քաղաքական վերնախավի լուր համաձայնությամբ՝ ՀՀ Անկախության Հռչակագիրը 1993-ից սկսած մոռացության մատնվեց հասարակական ու մշակութային, ընկերային ու քաղաքական հարաբերություններում: Փոխարենը, աստիճանաբար, ի հայտ եկավ ու ձեռավորվեց հիմքից իսկ մերժելի, հոռի ու այլանդակ մի մշակույթ, որը պայմանավորված էր ՀՀ-ի ընտրած զարգացման արտաքին և ներքին քաղաքական ու տնտեսական կողմնորոշումներով՝ պայմանավորված երոպական, կովկասյան, երասիական ինտեգրման և ազատ շուկայի ընտրությամբ:

Երոպական ինտեգրումն ուղղորդվում է շատ որոշակի երոպական քաղաքական չափորոշիչներով ու պարտադրանքներով, երասիականը՝ ռուսականը, ուղղորդվում է տարածաշրջանային քաղաքական ու տնտեսական չափորոշիչներով: Ընդունելով երկու կողմերի առաջարկները՝ ՀՀ իշխանությունները շրջանցեցին ՀՀ Անկախության Հռչակագիրը: Քսան տարին բավարար եղավ, որ հանրությունը սկսի գրել ու խոսել ՀՀ անկախության ու ինքնիշխանության կորստի իրական վտանգի մասին, բոլոր ոլորտներում:

1994-ի զինադադարից ի վեր, մեր կյանքում հաստատված համեմատական խաղաղության պայմաններում, մոռացության մատնվեց ՀՀ Անկախության Հռչակագիրը, որի արդյունքում ունենք շատ մեծ կորուստներ: Հեռանում են հայրենիքից՝ այլակերպ ու այլանդակ անարդարությունների ու բռնությունների հետ բախվելուց հետո: Առավել ցավալի է, երբ հեռանում են կյանքից՝ նույն այդ այլակերպ ու այլանդակ անարդարությունների ու բռնությունների հետ բախվելուց հետո: Դրա վերջին գոհը դարձավ ՀՀ Ազգային բանակի սպա Վահե Ավետյանը, ով դաժանաբար սպանվեց իր արյունակցի կողմից՝ «Հարսնաքար» ռեստորանում: Հասկանալի է, որ այս սպանությունը շատ որոշակի պատիժ ու պատասխանատվություն է ենթադրում, սակայն հանրությանն այլևս պակասում է օրենքի գերակայությունը, որն անհնար է լրացնել միայն ինքնաբուխ մի պոռթկումով:

ՀՀ իշխանությունների կանխամտածված հրաժարումը ՀՀ Անկախության Հռչակագրի սկզբունքներից հասարակությանը պարտադրում է այնպիսի հարաբերություններ, որոնց գոհը դառնում է նույն այդ հասարակությունը, և հասարակության յուրաքանչյուր անդամ, նույնիսկ, անկախ նրա զբաղեցրած սոցիալական - հասարակական դիրքից:

Ահա թե ինչու պետք է հստակ ձեռակերպել, որ ՀՀ-ի փրկության ուղին՝ ՀՀ Անկախության Հռչակագրի դրույթների վերագործարկումն է: Հայաստանի Հանրապետության Անկախության Հռչակագիրը բացարձակ հիմք է՝ սոցիալականության, իրավականության և ժողովրդավարության, անկախության և ինքնիշխանության հաստատման համար Հայաստանում, որի կիրառումը կարող է վերջ դնել բոլոր տեսակի անիրավություններին ու բռնություններին:

Արեւմտյան Հայաստանի Վտարանդի Կառավարության Արտաքին գործերի հանձնաժողով
05.07.2012 թ.